

Yeshua un Israelita; Yu di Dios, nos Yudansa!!!

"Ata Mi Sirbidó ku Mi ta Sostené, Mi Skohí, den Kende Mi Alma tin Delisia. Mi a pone Mi Spiritu riba djE; E lo trese Hustisia pa e nashonnan. (Isaias 42:1).

Nos Yudansa ta un Spiritu!!!

Pasombra manera EL a bisa; "Si boso ta stima Mi, boso lo warda Mi Mandamentunan. I lo Mi pidi e Tata, i E lo duna boso un otro Konsolador; nos Baranka, nos Yudansa, nos Fortalesa, pa E keda serka boso pa semper, esta, e Spiritu di Bèrdat, Kende e mundu no por risibí, pasobra e no ta mir'E ni konos'E, ma boso konos'E pasombra E ta biba serka boso i lo ta den boso. (Juan 14:15-17).

Nos Yudansa ta un Spiritu!!!

Abo i ami tambe ta konsistí di tres parti distinto, pero inseparabel te na ora di bandona e mundu aki; un Kurpa, un Alma (mente, boluntad, emoshon) i Spiritu Santu. (Eklesiastés 12:7 & Génesis 2:7).

Na ora di bandona e mundu aki, nos kurpa físiko ta bira stòf i bolbe na e tera for di kual ela bini i Spiritu Santu lo bolbe na Dios, Kende a duna esaki. E di tres parti di abo òf ami, ku ta nos Alma tambe mester disidí unda e ta bai na momentu ku e kurpa bira stòf i e Spiritu Santu bai bek serka Dios Tata. Nos Alma, ku ta kontené tur nos emoshon, nos mente, nos boluntad, tambe ta un spiritu. Ora nos bai studia e Palabra su nifikashon den Hebreo, nos ta bin Komprené ku nos Alma a sali for di Dios Tata bin e mundu aki. Ta pa e motibu aki tin skirbi; Mi wesunan no tabata skondí pa Bo, tempu ku mi a wòrdu trahá na sekreto, Bon Formá den e profundidatnan di tera. Bo Wowonan a mira mi Supstansia sin Forma; i e dianan ku tabata stipulá pa mi, tur tabata skirbí den Bo Buki, tempu ku no tabatin ningun di nan ainda. (Salmonan 139:15-16).

Nos Alma ta nos spiritu humano; un Supstansia sin Forma, Bon Formá ku ta kontené tur nos emoshon i boluntad. Pesei abo i ami, no mester biba konforme e mundu aki, ma sea Transformá pa medio di e Renobamentu di nos mente, pa nos por komprobá kiko ta e Bon i Agradabel i Perfekto Boluntad di Dios. (Romanonan 12:2).

Asina aki ta ku nos Alma, un spiritu, ta haña ayudo di Nos Yudansa; Yeshua un Israelita pa siña nos Konosé i Komprené e Spiritu di SEÑOR.

Ta pa e motibu aki e Spiritu di SEÑOR, nos Yudansa, a Profetisá!!! "E Spiritu di SEÑOR ta riba Mi, pasobra EL a ungiMi pa Prediká Evangelio na e pobernan; EL a mandaMi pa Proklamá Libertat na e prezonan, i Restorashon di bista na e siegunan, pa duna Libertat na esnan ku ta wòrdu oprimí, pa Proklamá e aña Agradabel di SEÑOR." (Lukas 4:18-19).

17 yanüari 2021

Sea Bendishoná ku e Amor di Dios Tata; Yeshua Mesias
Un Fiel Sirbidó di Dios,
Remsly L Riley.